

中華郵政特准掛號認爲新聞紙類

每月三期逢一日出版

取聘

# 民生救刊

中華民國十一年三月二十二日

第二十七期

## ▲本社徵文廣告

海內名家如有鴻著偉論發揮國計民生道德實業者無論著論譯論本社均極歡迎一經登載必有相當之報酬惟原稿概不退還乞注意

## ▲本社啓事一

本報除指定各機關外如承各界購閱者祈先將報費郵寄或專訂以便按期寄送

## ▲本社啓事二

本報每月出版二期如有願登廣告者價極從廉用表歡迎價目表填附册尾

## ▲本社啓事三

各界諸君有介紹本報告白者本社給予二成酬金但此項告白於交稿時須連同所需刊費交齊方准照登如關於名譽或其他重要事件者須覓保及介紹人完全担保以免糾葛



目錄

●論說

植樹言感節（見本期瑣聞欄）

●國外要聞

美公使論華會與中國

福開森關於華會之談論

英銀團代表之言論

●國內要聞

日人在青島之陰謀

整理中東路之進行方法

赤塔苛待華商之交涉

目錄

東耀

膠濟路之善後問題

一致之贖路運動

四條約全文披露

和職業教育之考驗

梅影軒偶憶錄

警衆感想錄

照軒詩話

陽蚌珠

團體開贖路會議

廳長返吉期

部令籌備植樹典禮  
保留延吉森林之經過  
省教育會行將改選  
部令調查註冊公司  
旗款存儲生息

---

目  
錄







## 論說

### ●植樹節感言

(見本期瑣聞欄)

今之所謂節者已多矣。若春若夏若秋若冬，悉因民之習慣垂爲令甲，初不計其有益否也。惟植樹節之規定，則其中實有莫大之深意存焉。蓋森林之益在能調解雨量，重農之國尤須特加注意。舉凡涯涘溝壕皆可徧植榆楊，庶不致霖雨爲災，旱魃示虐也。事雖至淺至易，而其利實有不可勝言者。苟不以節期之則皆熟視而莫之覩，此清明訂爲植樹節之所由來也。

顧吾人所宜知者，植樹節之用意既如是其深遠，凡屬國民急應切實遵循，力爲首倡，不可視爲無足輕重之舉。始而勤終而惰，時過境遷，置諸腦後，是則有裨於我國林政者良多矣。非然者，今歲爭爲種樹之橐駝，明年復作烈山之伯益，其亦何必多此一舉哉。

返觀我中國自規定植樹節以來已數年於茲林政前途宜若可以樂觀矣而就知竟適得其反向之鬱鬱葱葱者今則變爲童山濯濯矣大好森林斬伐殆盡千里彌望材木蕩然此雖國家不遑顧計之咎抑亦我國民之弗加重視也今則植樹節之期又復轉瞬卽屆吾人顧名思義不覺惻然心戚惟望我全體國民實留意焉其幸甚





## 國外要聞



### ●美公使論華曾與中國

美國駐京公使許滿氏於華盛頓誕日在華北美國協會演說華盛頓會議對於中國方面之結果畧謂今日爲華盛頓誕日亦爲孔子卒後之二千四百年紀念山東爲孔陵所在之地故外力侵蝕山東不獨爲中國國家之恥辱亦爲中國宗教上之恥辱乃際此孔子卒後二千四百年之紀念居然因華盛頓會議結果收回山東之權利實可爲中國賀此次交涉之成功係賴數方面之協力第一卽爲美國人民對於中國人民所具之同情美國上議院對於凡爾塞和約全部毅然拒絕而在未表示全部拒絕以前卽已拒絕承認關於山東權利割讓之一部分於此可見美國對於中國人民同情之深摯而此次會議又適在華盛頓開會故中國國民環境空氣至爲順利若此會議在其他世界各地開會中國決不能得如是之空氣也再則因與會各國代表團均

能利衷共濟時艱而其中尤可注意者則爲日本政治家之能具有遠大目光中國代表團之主持堅確及愛國之態度以及白爾福許士兩氏之居中調解此外則哈定總統所具之精神亦山東問題之解決有偉大之勢力結果乃能挽回無可設法之局勢合進而談九國協約其確定中國利權之點殊多訂約各國約定互相維持中國之主權俾中國得有完滿之機會造成鞏固之政府更約定保持各國工商業機會均等主義限制各國利用中國之時勢取得妨害於友邦人民之特權又以確定上述各原則起見訂約各方且約定互相不准訂立條約以妨害此等原則所謂開放門戶主義亦規定在九國協約之內訂約各國約明不得企圖或助其國民企圖於中國某某地帶內取得發展商業或經濟之優先權亦不得企圖取得此項權利而剝奪其他各國經營各種合法工商業之權利及與中國政府或地方當局經營公共事業之權利焉中國方面更約定所有中國鐵路對於各國決不有差別之待遇決不以人民國籍之歧異而厚薄其對於輸運等等之辦法此項不分差等之義務非獨中國有之凡訂約各國及其人民因條約等之關係管理中國鐵路亦莫不有之再訂定該協約之各國並訂明以後世界如不幸而有戰事發生而中國不加入戰爭時應尊重中國之中立甲

國亦聲明於中立時嚴守其中立之義務此項規定以歷史上之往事證之實至爲重要中國有若干省分其地位在亞洲之上與其鄰國之關係蓋無異於比利時數省在歐洲所處之地位故能確實保障中國土地之不可侵犯乃維持和平之上策也此外該約尙有一規定與解決紛爭維持和平俱有重大關係者卽規定若有一事實發生而訂約國之一造以爲當應用九國協約之規定而如何應用之方法須應討議者應將其事公告訂約各造俾同時討論如此則不啻將困難問題供世界輿論之判斷而將來各方衝突之端可藉此而消除焉今再進而討論關稅問題中國今日公家收入頗感不足國庫空虛中外債權者坐索債款本息而一方政府又需款項以爲行政經費發展教育更無可言以中國富源如是之廣苟有良好之租稅制度及徵收機關若謂難予徵集充分之款項實無可理解中國財政問題大部分應由中國自謀解決非外國所可效勞其所可效力之處祇有徵收關稅之一項按照條約苟非列強允許中國不能更變稅則增加稅率而現在華盛頓會議業允於四個月內增加關稅至百分之五更改稅則於二月後着手進行而與中國訂約各國在該會議於厘金廢止之後增加關稅至百分之十二又五於關稅未增至百分之十二五以前並合中外委員組

織委員會議定於某種物品得於百分之五稅率以外更增百分之二五附稅焉除以上之各節外華盛頓會議對於尊重中國主權一方更有若干之規定凡世界文明各國郵務均爲國家政務之一部惟在中國則有外國郵局之設置此中國當覺爲恥者而華盛頓會議結果則廢除外郵而中國代表更進而要求撤銷領事裁判權凡中國之友人均知領事裁判權之存在非獨不合常規且重傷中國主權惟以過去情形平心而論其外人認領事裁判權爲外人生命財產惟一之保障亦所宜然顧中國既爲國際間之一員而能漸漸進步則領事裁判權終必有撤銷之一日惟何時可以撤銷則須調查一事實始可決定所謂事實云者不獨僅指具有新法律新法庭而已且須有增受訓練之司法官有根據法律解決紛爭不受勢力情面或賄賂左右之精神華盛頓會議結果派定專家合組委員會調查此等事實領事裁判權之撤廢與否則視該委員之報告而定中國又對於外國軍警駐在中國內表示遺憾外國軍警之由來則由於庚子拳匪之亂中國既能保證外人之生命財產則該軍警自應撤退現華盛頓會議即採取此政策惟此種種恢復中國此等權利之問題均與中國應有統一鞏固之政府攸關希望中國人民一方在華會中各國取得若干利益而一方時將

改良政府問題清理財政以及統一各省造成單一之中華民國各事三致意焉斯外尚有一問題亟須中華民國速謀解決者即各省軍人率領重兵干涉中央政府是也此次參與華會各國其軍隊之總數尚不及中國軍隊之多此等軍隊一旦存在則政府之大權即操諸此等不負責任之軍官之手須知在民主國家軍權應處政權之下中國軍隊之情形華會均知之故該會乃秉友誼及援助之精神勸中國裁兵焉中國在華會之中尚獲得一種利益此事雖未有明文約定而各國在會中已有所表見即英國已允歸還威海衛法國亦表示歸還廣州灣日本亦允撤銷滿洲方面之種種重要優先權及二十一條之第五項中國人民對於二十一條反對最烈但此事一時尙處於未定之地位以後尙有討論之餘地以上所述係華盛頓會議關於中國方面重要之結果云云

●福開森關於華會之言論

福開森博士關於華府會議之談話極爲重要茲錄之於左  
問以對於華會之意見博士答云（吾意華會實已成功華會似較海牙和平會及國際聯盟會更進步其進步之點在某國家對於某某問題有關係者能聚集一堂以

互讓之精神而討論得一種協定若海牙和平會則兩國發生爭端求其公判國際聯盟會則兩國發生爭端提出行政院請與此爭端無關係之他國仲裁今華會不然不用外界壓迫不用武力或經濟上之抵制第由有利益衝突之國自行談判解決此實爲國際事情處置上之一種新原則爲最有希望之一種試驗

述及中國代表致政府之報告含有聲辯性質博士云（此半爲中國官員之照例態度但其主因在彼等希望太過以爲魯案談判之結果可以立即收回山東鐵路與其他日人在該省之利益）

問中國代表之希望可以超過其所已成就者否博士答曰（此因各人見解之不同而異就華人之見解論實抱超過成就之希望然彼等之見解實完全漠視他方面之利益惟最後之調和確俟兩方皆滿意毫無疑義）

博士云（余覺五國海軍限制協約與四國太平洋協約實予中國以一蘇息之時機中國由此可知將有十五年不虞外人侵略余信中國在此時期內必能力自振拔克副大會之期望自行設置一鞏固不易之政府如大會一議決案中所言者中國之案情其代表在大會中陳述其佳彼等雖爲少年但能引起極良印象其與日本艱難益